

欽定四庫全書

普濟方卷三百六十九 明 周王朱橚 撰

嬰孩傷寒門

夾食傷寒

茅先生治小兒中夾食傷寒候大熱嘔逆肚膨上渴泄瀉此候因與物食所傷而五臟結實所得治者先用青金丹與下三四次方下腥脾散勻氣散與服如有咳嗽即下麥湯散調理治之即愈漢東王先生家寶云夾食

欽定四庫全書

普濟方

傷寒并單有積證候稍異如從膝下冷者為單有積必潮熱宜取之即補如膝下熱者并渾身熱面色青則是夾食傷寒須先理傷寒後取之以上病證並在審度用藥無不應驗 漢東王先生家寶治夾食傷寒病證面青吐逆渾身發熱或發渴煩躁頭疼宜用水精丹取之至天明須取下准前用觀音散三二服補之後下薄荷散三二服解其寒氣如漸有退候恐餘熱未退宜進七寶輕青丹三二服間以人參散三二服調之 石壁經



<p>三十六種夾食傷寒候歌夾食傷寒先自熱內中有物 傷形節面上紅斑有似丹喉中時時生燥渴先表方知 醫有功次取亦為神妙訣微微取動一兩行臟腑調和 自安悅此因氣血弱即所食物滯在脾胃使肌肉上或 面上如豆大或如指面大赤斑點主至夜間不眠多渴 看輕重先取其積次和胃氣退熱再看證候調理 三 十六種內夾食傷寒候云此候宜服白附子散小兒形 證論四十八候夾食傷寒候云此候面上有點子多作 疹</p>	<p>欽定四庫全書 普濟方</p>	<p>方</p>	<p>水精丹 治嬰孩小兒夾食傷寒又治虫積食積粘積 驚積惡物食傷</p>	<p>天南星 一錢 滑石 各為末 二錢 水銀粉 研半錢 蕪荑 取仁一百片</p>	<p>巴豆 五十粒去殼不出油</p>	<p>右先研巴豆令極細再下蕪荑仁復研方入衆藥研 令極勻以炊爛飯為丸如黃豆大每服三五丸以歲</p>
--	-----------------------	----------	---	--	--------------------	--



數加減米湯炮生薑葱吞下服時須令嬰孩小兒空 心不可喫乳食稍飢方可進藥如膈上有物食熱須 吐出如膈下有食須得轉瀉切忌生硬果實肉食等 物近夜卧服佳
人參散 治夾食傷寒取下欲補虛調胃氣進乳食止 吐瀉
人參 蓮肉 茯苓 黃耆 甘草 <small>去心 炒 各一分 半兩 搥蜜 水拌炙</small>
錢 灸二
欽定四庫全書 普濟方
右為末每服嬰孩一字二三歲半錢四五歲一錢以 水一小藥注或半銀盞入棗子半片煎十數沸服
治小兒傷寒與熱不同因妳寒亦號夾食傷寒熱氣逼 之為病傷寒二途各便此方救療且療乳母法
升麻散 治小兒時氣頭痛壯熱
川升麻 赤芍藥 石膏 麻黃 貝齒 <small>細研 去根節 各半兩 一枚</small>
甘草 灸微赤 剉半兩
右為末每服一錢以水一小盞煎至五分去渣不計



時候量兒大小分減溫服得微汗為效 麥門冬散 治小兒時氣咳嗽壯熱		麥門冬 <small>去心</small> 焙 川升麻 <small>各一兩</small> 貝母 <small>煨微黃</small> 甘草 <small>炙微赤</small>	赤芍藥 <small>分</small> 杏仁 <small>湯浸去皮尖雙仁</small> 各半兩	右為末每服一錢以水一小盞煎至五分去渣入淡 竹瀝半合更煎一兩沸不計時候量兒大小分減溫 服	生乾地黄散 治小兒時氣壯熱咳嗽心胃脹悶乳食 不下	欽定四庫全書 普濟方	生乾地黄 <small>尖雙仁</small> 麥門冬 <small>去心</small> 各一兩 欵冬花 杏仁 <small>湯浸</small>	陳橘皮 <small>湯浸去皮</small> 各三分 甘草 <small>劉炙</small> 微赤	右為散每服一錢以水一小盞入竹茹半分煎至五 分去渣不計時候溫服量兒大小增減服之	人參飲子 治時氣病	人參 <small>去蘆</small> 生乾地黄 <small>各一兩</small> 犀角 <small>末</small> 黃芩 柴胡 <small>去</small>	各半兩 甘草 <small>一分</small> 炙
-----------------------------------	--	---	--	---	-----------------------------	---------------	---	---	---	-----------	---	-------------------------------



茅根 剉 一兩	麥門冬 去心 焙 一兩半 人參 去蘆 頭 各半兩 甘草 炙 微赤 剉 各半兩 葛根 剉	麥門冬散 治小兒時氣壯熱心腹煩悶	實之人三伏中亦宜用只去大黃春夏並用	右為末熱水調下連二服汗出為瘥或熱甚此謂風	分 各等	麻黃 去節 四兩 大黃 黃芩 桂心 甘草 白芍藥	心躁或出汗尚熱	欽定四庫全書 普濟方	水解散 治小兒天行時氣瘡癩身體壯熱頭疼煩渴	分去渣服之	右每服三錢水一盞入蘆根半握生薑五片煎至七分去渣服之	分 梔子仁 一十 五箇	吳藍 大青 各二兩半 甘草 炙 茵陳 半 一分 麥門冬 去心 各三	八物吳藍飲子 治小兒傷寒天行頭痛壯熱	分温服	右為麤末每服一錢水一小盞入生薑二片煎至五分
------------	--	---------------------	-------------------	----------------------	------	--	---------	---------------	--------------------------	-------	---------------------------	-------------------	---	-----------------------	-----	-----------------------



右為散每服一錢以水一小盞煎至五分去渣不計時候量兒大小分減溫服	麥門冬 治小兒時氣五六日體熱不止	麥門冬 去心 焙 大青 各半 甘草 炙微赤剉 吳藍 各一分 梔子 仁 五枚	右為散每服一錢以水一小盞煎至五分去渣不計時候量兒大小加減溫服	葛根散 治小兒時氣煩渴腹中痞實	欽定四庫全書 普濟方	葛根 剉 黃芩 柴胡 去苗各半兩 川大黃 一兩剉碎微炒 甘草 一分炙 微赤剉	右為散每服一錢以水一小盞煎至五分去渣不計時候溫服以稍利為度量兒大小加減服之	貝母散 治時氣病	黃耆 青皮 茯苓 藜蘆根 甘草 炙 紫苑	白朮 各一兩 百合 半一兩	右為細末每服一錢以水一小盞煎至四分通口服
--------------------------------	------------------	---------------------------------------	--------------------------------	-----------------	------------	--	---------------------------------------	----------	----------------------	---------------	----------------------



得少汗為妙	麥湯散 治小兒傷風傷寒渾身壯熱咳嗽痰盛	知母 石膏 <small>煨</small> 赤葶藶 <small>隔紙炒</small> 杏仁 <small>湯浸去皮尖別研</small> 地骨皮	滑石 <small>末</small> 麻黃 <small>去根節生薑汁浸一宿各等分</small>	右為末每服半錢煎小麥湯調下	七寶散 治小兒傷寒傷風渾身壯熱	天麻 <small>炙</small> 白殭蚕 羌活 <small>各一錢</small> 麻黃 <small>去節</small> 蝎 <small>一分</small> 白附子	<small>各一分</small> 麝香 <small>少許</small>	欽定四庫全書 普濟方	右為末每服半錢一字用生薑薄荷蜜水調下大小	加減	惺惺散 治小兒傷風壯熱及瘡疹毒氣時氣濕氣風	熱傷寒鼻塞清涕驚悸頭痛咳嗽喘竈目澁多睡及	氣不和	人參 白茯苓 甘草 <small>炙</small> 白朮 瓜蒌根 細辛	桔梗	右七味等分焙乾為末每服一大錢用水半盞薑一
-------	---------------------	---	--	---------------	-----------------	--	---	---------------	----------------------	----	-----------------------	----------------------	-----	--------------------------------------	----	----------------------



片薄荷三兩葉同煎三五沸二三歲一服分三服五  
歲已上只作一服如傷風欲出汗以葱白豆豉薄荷  
同煎溫服 一方無白朮有乾葛甘草減半治壯熱  
入薄荷生薑冷氣入薑棗水一盞煎傷風發熱加防  
風咳嗽氣不和加川芎 又一法海葎云此加減四  
味亦各隨經證也 兼下小黑膏妙 錢氏方謂小  
兒壯熱昏睡傷風風熱瘡疹傷食皆相似未能辨認  
間服惺惺散小柴胡湯升麻湯此數藥均能治療不

欽定四庫全書

普濟方

若參蘇飲治諸般發熱不問何證每每用之甚効須  
逐日多服以熱退為期不可遽止 惟傷寒一證則  
大便酸臭水穀不化畏食吐食宜以藥利之先服紫  
霜丸感應丸仍以參蘇飲與服尤驗 若發熱耳冷  
飢冷足冷四肢乍冷乍熱腮赤面赤噴嚏呵欠驚跳  
不止昏昏多睡皆瘡疹之候也當用溫涼之藥切忌  
妄下已發未發並用升麻湯消毒飲若三日未見形  
迹當以生酒塗其身上時時看之狀如搔痕者是也





或發不透及倒撮黑陷極為利害紫草木通甘草枳殼黃耆等分白水煎服名四聖散若小兒咽喉疼者用生甘草桔梗等分白水煎服名如聖散 更有小兒頭昏頰赤口內熱氣小便赤澁大便秘結此為裏熱當用大黃當歸芍藥甘草等分白水煎服名四順飲若審是瘡疹之證不宜用此
蝎稍散 治傷風發熱睡卧不安直視涎盛時作驚掣
全蝎 <small>十四箇</small> 甘草 <small>炙</small> 川芎 <small>各二錢</small> 麻黃 <small>去節</small> 防風 薄
欽定四庫全書 普濟方
荷葉 <small>各一錢</small>
右為末入硃砂一錢細研入藥內令勻每服一錢水半盞煎至三分溫服
厚朴散 治小兒外傷風冷壯熱增寒頭痛體重寒氣逆嘔吐惡心或手足厥冷及脾胃不和並皆治之
乾葛 <small>三錢</small> 蒼朮 陳橘 <small>去瓢</small> 厚朴 <small>去皮以薑汁塗</small> 炙令香各一兩
右為末每服一錢水一盞入薑二薄片棗一枚同煎至六分熱服



升麻黃芩湯 治小兒傷風有汗頭疼寒熱發惡寒

升麻 黃芩 葛根 芍藥 甘草

各三錢 一錢 半炙

右剉如麻豆大每服二錢以水一中盞煎至六分去

渣溫服若時行瘡痘出不快煩躁不止者加木香一

錢半

解肌湯 治小兒頭痛傷風增寒壯熱肢體疼痛鼻乾

不得睡兼治大人小兒瘡疹已發未發皆可服

乾葛 芍藥 升麻 甘草

欽定四庫全書

普濟方

右等分呔咀每服二錢用水一盞煎至半盞去渣服

此藥兼治寒暄不時人多疫疾乍暖脫衣及暴熱之

次忽變陰寒身體疼痛頭痛如石加黃芩名黃芩升

麻湯瘡痘已發未發及瘡痘不快熱盛者加大青等

分煎服瘡痘不快加紫草糯米煎傷風身熱鼻流清

涕心中煩躁加防風羌活薄荷煎服若大段寒即熱

服若熱即溫服瘡疹亦准此服藥身涼止藥小兒量

度多少服活人書云如老人喫去芍藥加柴胡一兩



人參半兩雪白芍藥一分名升麻葛根湯	驚調散 治大人小兒老少但是諸般傷寒風體虛煩 熱上膈有涎煩躁不省人事	腦子 <small>一</small> 荆芥穗 <small>一兩</small> 麝香 <small>半錢</small> <small>字 焙末之</small>	右將腦麝各研入藥令勻每服好茶半盞調半錢和 渣服重者二錢小兒少許不計時候	治小兒傷風 以豆豉及葱生研作靨貼顙上如有邪 氣者以豆豉及飛生頭研如前方	欽定四庫全書 普濟方	參苓散 治小兒風吹著渾身壯熱頭疼面赤多渴	人參 茯苓 甘草 <small>炙</small> 白朮 <small>各一分</small> 黃芩 乾葛 <small>各半</small> <small>兩</small>	右為細末每服一錢水五分薑一片棗半箇煎至四 分通口服之	清神散 治傷風身熱咳嗽不進乳食鼻塞氣促睡卧 不安並宜服之	人參 茯苓 <small>各一錢</small> 川芎 <small>五分</small> 防風 苦梗 羌活
------------------	--------------------------------------	--	--	--	---------------	----------------------	---	-------------------------------	---------------------------------	--



麻黃	荆芥	甘草	各一錢
右為末每服一錢葱白薄荷煎水調下			
荆朮散	治小兒傷風傷寒或瘡或疹服此藥無寒無熱能分陰陽踈風順氣一切諸證服之應手而效更有加減法開列于后		
荆芥穗	一兩	淨蒼朮	二兩
	兩		剉
	灸	赤芍藥	一兩
	微黃	甘草	半兩
右為細末每服一二錢量兒大小加減服之			剉
傷風			灸
傷寒壯熱咳嗽身重或瘡疹未出生薑葱白湯調下			
欽定四庫全書			
普濟方			
傷風鼻塞發熱煎葱白湯調下			
傷風潮熱煎薄荷湯調下			
邪風傷肺鼻出清涕氣竈煎紫蘇湯調下			
卒暴驚風搐宜服四味奪命散一服立効			
久病後慢驚搐服全蝎散即瘥			
瘡痘出發不快加炒			
牛蒡子煎湯調下			
發汗不出煎去節麻黃湯調下			
心神不寧恍惚不安煎白銀散調下			
變蒸發熱煎薄荷湯調下			
盜汗自汗煎牡蠣浮麥湯調下			
風毒丹毒赤腫四順飲子湯調下			
眼暴赤腫痛隱			



菝葜 二錢 去皮	茯苓 二錢 去皮	石膏 兩半	甘草 二錢 炙	荊芥穗 兩半	白朮 錢半 去蘆	人參 三錢 去蘆	淨蒼朮 二兩 剉炒	白	歸命散 治小兒傷風身壯熱氣麤咳嗽或傳瘡疹並 宜服之	脾胃虛弱嘔吐不利乳食不化宜服後安胃和脾散 日進二三服立愈 脾胃久虛肢體羸瘦嘔吐下利 乳穀不化宜常服安胃和脾散日進三服剉日痊安 淋瀝小便不通加篇蓄木通燈心滑石煎湯調下 歸命散 治小兒傷風身壯熱氣麤咳嗽或傳瘡疹並 宜服之	骨川烏頭炮去皮臍一同為細末熬木瓜湯調下 足拳攣不舒加當歸熟地黃天麻羌活細辛木瓜虎 花五味子人參桑白皮紫苑煎湯調下 驚風後手 速服四味奪命散立愈肺虛上氣喘滿咳嗽加欵冬 防風湯調下 咽喉腫痛重舌加升麻枳殼桔梗薄 荷防風煎湯調下日進二服 肺實喘急痰涎壅塞 速服四味奪命散立愈肺虛上氣喘滿咳嗽加欵冬 防風湯調下 咽喉腫痛重舌加升麻枳殼桔梗薄 荷防風煎湯調下日進二服 肺實喘急痰涎壅塞	欽定四庫全書 普濟方
----------------	----------------	----------	---------------	-----------	----------------	----------------	-----------------	---	------------------------------	---	---	---------------



右為麤末每服三錢水一盞同煎至八分去渣乳母  
多宜服之小兒任意服不拘時候

加減小柴胡湯 治小兒傷風傷寒瘡疹陰陽不和寒

熱往來口苦舌乾或瘧疾寒熱並宜服之

淨柴胡 一兩 去蘆 人參 三錢 去蘆 半夏 湯洗七次 切作片子 甘草 炙各 二錢

半 防風 三錢 去蘆 熱甚大便秘澀加大黃同煎服

右咬咀每服五錢水一盞入生薑五片棗一枚同煎  
至七分去渣溫服不拘時候

欽定四庫全書

普濟方

薄荷散 治小兒傷風傷寒肢體壯熱手足冷呻吟驚

睡卧不寧宜服此藥發散

薄荷葉 一兩 蝎 一分 天南星 半兩 灰炒 通黃赤色

右三味為細末周歲半錢連根葱白煎湯下不拘時

候若只傷風並進二服立愈若小兒傷風因寒邪相

搏或成驚者風藥吐利即寒邪不能發散宜服此退

了壯熱寒邪若解驚亦不作却服硃砂丸佳若不先

用此藥便用驚風藥吐利即寒邪不能發散隨虛入



臟遂成疾而難治也

貼顛藥 治小兒百日内傷風鼻塞服藥不退乃是出

胎時被風吹所以有此 用天南星一味為末生薑

自然汁內調成膏貼顛上鼻不塞便去之

天麻散 治小兒傷風流清涕鼻塞咳嗽身熱並皆治

之

天麻 防風 甘草 川芎 羌活 白芷 麻

黃節去

欽定四庫全書

普濟方

右等分為細末葱湯調食後服之

麻黃湯 治傷風發熱咳嗽喘急若無汗者宜服之

麻黃 去根節寸剉三錢以桂 去麤皮二錢 杏仁 湯

水煮去沫漉出控乾 不得見火 炙一

去渣溫服不計時候以汗出為度大小加減若有自

汗者不宜服之

敗毒散 治傷風時氣寒壅咳嗽

方見本門傷寒類一名十味湯



時氣  
附論

夫小兒時氣病候時氣病者是四時之間忽有非節之氣如春時應暖而寒夏時應熱而冷秋時應涼而熱冬時應寒而溫其氣傷人為病亦頭疼壯熱大體與傷寒相似無問長幼其病形證畧同言此時通行此氣故名時氣世呼亦為天行 又小兒天行病發黃候四時之間忽有非節之氣傷人謂之天行其熱入於脾胃停滯則發黃也脾與胃合俱象土其色黃其候在肌肉熱氣

欽定四庫全書

普濟方

蘊積其色蒸發於外故發黃也 又小兒時氣腹滿候時氣之病腹滿者是熱入腹與臟氣相搏氣痞澀在內故令腹滿若毒而滿者毒氣乘心煩懊者死 又小兒時氣病結熱候時氣之病熱入腹內與肺臟之氣相結謂之結熱熱則大小腸痞澀大小便難而苦煩熱是也 又小兒患時氣病候時氣之病若施治早晚失時投藥不與病相會致令病連滯不已乍瘥乍劇或熱敗壞之證無常是也 又小兒傷寒時氣病兼瘧疾時氣之





病又兼瘧者是日數未滿本常壯熱而邪不退或乘於陰或乘於陽其乘於陽陽浮則熱其乘於陰陰浮則寒陰陽之氣為邪所并互相乘加故發寒熱成瘧也 又小兒時氣病得吐下後猶熱候時氣之病得吐下之後壯熱猶不歇者是腸胃宿虛而又吐利則為重虛其熱乘虛而入裏則表裏俱熱停滯不歇故雖吐下而猶熱也巢氏病源小兒病後不嗜食面青候時氣病熱渴之後不嗜食而面青者是胃內餘熱未盡氣滿故不嗜食

欽定四庫全書

普濟方

也諸陽之病俱上榮於面陽虛未復本滯風邪風邪挾冷冷搏於血氣故令面青也 又小兒時氣病發復候時氣之病發復者是熱之後氣血未和腑臟熱勢未盡或起早勞動或飲食不節故其病重發謂之復也然發復多重初病者血氣已虛重傷故也 嬰童寶鑑小兒時氣歌時氣皆因節令違頭疼壯熱汗微微良工若欲看形候須作傷寒病有歸 攻熱毒還從腑氣便成結熱在腸中 週身苦熱多煩渴便溺時兼不得通時氣



還須趁早醫變為敗氣切須知乍寒乍熱無常度時減  
時增體漸羸 誰言吐下熱無餘只為元因腑臟虛熱  
盛更虛皮肉澀至令煩渴燥難除 陰陽邪氣兩相并  
臟腑陰陽彼此爭發作有期名是瘧直須療理禁時行  
時氣雖然已漸停猶多餘熱體伶仃心胸氣滿還憎  
食夾冷須憂面色青 石壁經夜熱晝涼歌夜間遍體  
熱如湯纔到天明又復涼非是鬼神為祟禍都緣臟腑  
有風傷先將妙藥清脾臟次用神方瀉大腸患候但觀

欽定四庫全書

普濟方

喉懶動更看眼急鼻梁光須知此病傳瘟疫辨別分明  
醫信良此內因傷物外因傷邪所致也先當表散其毒  
邪次用藥去其積亦主至夜多汗只在其頭額上有之  
亦口中涎響也脾風則然多言有禍崇非也更請細看  
前候蓋此病緣過饑後冷食滯脾胃氣不行於諸經夜  
熱晝涼先進南星丸與三五服後進檳榔散相間與服  
然後平和又須當與白丁香膏服或只以磨積方調氣  
只不得便取利難止為肚大恐成疴疾也



方	人參散 治解利傷寒四時疫氣上焦虛弱心神恍惚 脾胃不和飲食無味口苦舌乾渾身煩熱
人參	茯苓 羌活 桔梗 知母 麻黃 <small>去根</small>
枳殼 <small>麸炒</small>	甘草 <small>炙</small> 川芎 陳皮 <small>去白</small> 白朮 厚朴 <small>薑汁</small>
製 <small>水</small> 茱萸	桂心 <small>不見火</small> 前胡 蒼朮 甘草 <small>節</small> 獨活
右等分為末每服二錢水一盞薑棗煎七分如要出汗	
葱白豆豉生薑煎服嗽入杏仁麻黃同煎小兒入薄	
欽定四庫全書	普濟方
煎	荷煎婦人止入生薑煎祛瘧用桃柳條二十七節同
葛根散 治小兒頭疼時氣體熱煩渴	
葛根 <small>剉</small> 麥門冬 <small>去心各三分</small> 黃芩 赤芍藥 人參 <small>去蘆</small>	
頭 犀角 <small>屑</small> 甘草 <small>炙微赤剉</small> 川升麻 <small>各半兩</small> 石膏 <small>一兩細研</small>	
右為散每服一錢以水一小盞煎至五分去渣不計	
時候量兒大小分減溫服	
治小兒壯熱時氣驚悸并熱瘡	



<p>鈎藤 人參 蚱蜢 子芩 防風 蛇脫皮 <small>灸三寸 龍齒四分 澤蘭二分 白密成之一兩湯 竹瀝升一</small></p>	<p>右切以水三升煮取七合量兒大小細服之</p>	<p>解肌散 治小兒時氣壯熱頭痛咳嗽不能食</p>	<p>麻黃 <small>三分去根節</small> 赤芍藥 貝母 <small>炮微黃</small> 柴胡 <small>去苗</small> 杏仁 <small>浸湯</small></p>	<p><small>去皮尖雙仁 麸炒微黃</small> 葛根 <small>半兩</small> 石膏 <small>一兩細研</small> 甘草 <small>炙微赤剉秤半兩</small></p>	<p>右搗篩為散每服一錢以水一小盞煎至五分去渣</p>	<p>不計時候量兒大小分減溫服</p>	<p>欽定四庫全書 普濟方</p>	<p>八味麥門冬飲子療小兒天行壯熱咳嗽心腹脹</p>	<p>麥門冬 <small>去心</small> 茅根 <small>各六分</small> 甘草 <small>灸</small> 人參 <small>各二分</small> 紫苑 升</p>	<p>麻 貝母 竹瀝 <small>各三分</small></p>	<p>右切以水二升煮取八合分服忌如常法 細切生</p>	<p>薑葱白皮湯煎附子煮黃雞牙硝斟酌三分入調作</p>	<p>羹湯食幼兒</p>	<p>右用附子煎湯去渣煮黃雌雞肉入薑牙硝作羹空</p>	<p>心服之</p>
---	--------------------------	---------------------------	--	--	-----------------------------	---------------------	-------------------	----------------------------	---	-----------------------------------	-----------------------------	-----------------------------	--------------	-----------------------------	------------



丁香丸 治積熱傷寒

烏梅 一箇切片用  
去土瓦焙乾 丁香 三箇 縮砂 四箇  
去殼 巴豆 兩箇  
去殼用薛

子葉打碎去巴  
油入鉢內研爛

右除巴豆為細末入巴豆研勻却用研細百草霜和  
勻麪糊為丸如小菘豆大一歲一丸米湯服下積塊  
不妨常服有功

小麥煎湯 治小兒積食夾驚傷寒正受傷寒咳嗽夜  
熱晝涼傷風瘡疹之疾大効

欽定四庫全書

普濟方

麻黃 半兩去  
節湯炮 白朮 炮 乾葛 二錢  
半 白茯苓 甘草 各  
二

半錢

右咬咀入麥子二十一粒同煎一方用葱白二寸煎  
服

傷風 附論

夫傷風貪睡口中氣熱呵欠煩悶當發散與大青膏解  
不散有積食當下大黃丸主之大飲水不止而善食者  
可微下餘不可下也傷風手足冷脾臟怯也當和脾後



發散和脾益黃散發散大青膏主之傷風自利脾臟虛  
怯也當補脾益黃散發散大青膏主之未瘥調中丸主  
之證當下大黃丸主之後服溫驚丸傷風腹脹脾臟虛  
也當補脾必不喘發散後仍補脾也去脹塌氣丸主之  
發散大青膏主之傷風兼臟兼心則驚悸兼肺則悶亂  
喘息氣出入多欬兼腎則畏明其原由母臟虛故見  
也傷風下後餘熱以藥下之太過胃中虛熱飲水無已  
也當生胃中津液多服白朮散

欽定四庫全書

普濟方

方

金箔丸 治小兒驚風妳食不化成外傷風壯氣氣竈

慢風搖頭口眼不開及赤白痢

方見驚風門一切驚風類

消風散 治小兒因脫衣風邪傷入毛皮入於臟腑則

惡冷壯熱脅膈有涎目澁多睡虛風神慢一方加硃

麝尤佳

人參 白茯苓 川芎 厚朴製 羌活 防風

蟬蛻 藿香 殭蚕炒 陳皮 甘草 荊芥



右各等分為末三歲一錢茶清調下大小加減服之	大青膏 治傷風自利脾臟虛怯也當補脾此藥主之	又云肝主風實則目直大叫虛則張牙多欠曾滿短	氣氣急喘嗽故上氣當發散之	天麻末 <small>一錢</small> 全蝎 <small>去毒生半錢</small> 硃砂 <small>研一字</small> 白附子 <small>生一錢半</small> 青	黛 <small>一錢</small> 天竺黃 <small>一字</small> 烏梢蛇骨 <small>酒浸焙乾取末半錢</small> 麝香 <small>一字</small>	右同再研細生蜜和成膏每服半錢皂子大至一皂	欽定四庫全書	普濟方	子大月中兒粳米大同牛黃膏溫薄荷水化一處服	之五歲已上同甘露散服信効方云小兒諸方書皆	行於汝南錢氏其中大青膏減天麻添大青生研一	分其於藥味分料和製與此皆同載證治云治小兒	傷風其候伸欠煩悶口中氣熱惡風脉浮只用薄荷	湯下	百解散 治小兒傷風瘡疹之類	貝母 <small>炒</small> 麥門冬 <small>去心</small> 川升麻 <small>各一兩</small> 赤芍藥 甘草 <small>炙</small>
----------------------	-----------------------	----------------------	--------------	---	---	----------------------	--------	-----	----------------------	----------------------	----------------------	----------------------	----------------------	----	---------------	--



兩半	右為細末每服一錢水八分一盞入竹葉二片煎至五分去渣溫服	棗葉湯 治證同前	棗葉 一兩到 細焙乾 黃芩 柴胡 去 苗 人參 去 頭 甘草 炙 各一兩	右為細末每服一錢水一小盞入生薑二片煎至五分溫服	人參生犀散 解小兒時氣寒壅咳嗽痰逆喘滿心忪	欽定四庫全書 普濟方	驚悸臟腑或秘或瀉調胃進食又主一切風熱服尋常涼藥即瀉又減食矣	前胡 去 蘆 八錢 桔梗 五 錢 人參 去 蘆 頭 三錢 甘草 炙 黃 二錢 杏仁 去 皮	尖畧晒乾為末秤五錢	右先將前四味為末後入杏仁再用麤羅為末每服二大錢水一盞同煎至五分去渣溫別食後服一方	無甘草	五味人參飲子 治小兒天行壯熱咳嗽心腹脹滿
----	----------------------------	----------	--	-------------------------	-----------------------	------------	-------------------------------	--	-----------	--	-----	----------------------





服	右麤末每服一錢水八分煎至五分溫服臨卧食前	甘草 牛蒡子 荆芥 各等分	寒諸病	犀角散 治小兒心經熱天行夜發壯熱夜啼並解傷	計時候量兒大小分減溫服	右細剉和勻每半服以水一小盞煎至五分去渣不	生蘆根 人參 去蘆頭 各一兩 竹茹 半兩	欽定四庫全書 普濟方	蘆根散 治小兒時氣嘔吐不止	右為末每服二錢湯點食空時服	荆芥 去枝 梗 桔梗 苦者各 二兩 甘草 半 一兩 牛蒡子 二兩 畧焙	治小兒經熱天行夜發壯熱夜啼并解傷寒諸證	服	右每服三錢水一盞入茅根半握煎至七分去渣溫	人參 甘草 炙各 半兩 生地黃 一兩半如無只 用乾地黃半兩 麥門冬 半
---	----------------------	---------------	-----	-----------------------	-------------	----------------------	----------------------	------------	---------------	---------------	-------------------------------------	---------------------	---	----------------------	-------------------------------------



棗葉飲子 治小兒傷寒天行五日以後熱不歇

棗葉半 麻黃半 葱白一

右豉一合以童子小便二鍾煎至一盞去渣分二服

青木香散 療小兒天行頭痛壯熱

青木香六 白檀香三

右為細散清茶和服之以水調塗頂頭痛立瘥量兒  
大小以意加減

治小兒時氣 用桃葉三兩搗以水五升煮十沸取汁

欽定四庫全書

普濟方

五六遍淋之若復發燒雄鼠屎二枚水調服之聖惠

方用桃葉七兩水五升

升麻葛根湯 治大人小兒時氣瘟疫頭痛發熱肢體

煩疼及瘡疹已發未發疑似之間並宜服之今人謂

此藥寒涼多不肯服今釋其疑說併方詳見傷寒內

小兒量大小加減服之

一名解肌湯方見本門傷風類一方有桔梗菴活生薑煎

服可加四君子湯料同等分煎一方加半夏前胡

治時氣咳嗽者天時冷熱不調而虛得之日夜或吐不



止或喘痰熱壅盛至重者利之用

大黃 朴硝 枳實 陳皮 人參 半夏 柴

胡  
分 各等

以有胸膈煩悶不快宜服無熱與痰亦不可下

惺惺散 治小兒傷邪瘟病時疫瘡疹頭痛壯熱多睡

潮熱煩渴痰實咳嗽

方見本門傷寒類  
人參羌活散同

溫病  
附論

夫小兒瘟病者是因冬時嚴寒人有觸胃之寒氣入肌

欽定四庫全書

普濟方

肉當時不即發至春得暖氣而發則頭痛壯熱謂之溫

病又冬時應寒而反暖時氣傷人即發亦使人頭痛壯

熱謂之冬溫病凡邪之傷人皆由觸胃所以感之小兒

不能觸胃其乳母抱持脫衣不避風邪冷熱之氣所以

感病也 小兒溫病下利候溫病下利者是腸胃宿虛

而感於溫熱之病熱氣入於腸胃與水穀相搏腸虛則

泄故下利也 又小兒溫病鼻衄候溫病鼻衄者熱乘

於氣而入血也肺主身之皮毛主於氣開竅於鼻溫病



則邪先客皮膚而搏於氣結聚成熱熱乘於血血得熱則流散發從鼻出者為衄也凡候熱病鼻欲衄或數發汗汗不出或初染病已來都不汗而鼻燥喘息鼻氣有聲如此者必衄也小兒衄止至一升數合熱因得歇若至一斗數升則死矣 又小兒溫病結胸候凡溫熱之病四五日之後熱入裏內熱腹滿者宜下之若熱未入裏而下之早者裏虛氣逆熱結胸上則胸痞滿短氣謂之結胸也

欽定四庫全書

普濟方

方

萎蕤湯 治風溫冬溫及春月中風傷寒發熱頭痛咽

乾舌強胸腹滿腰脊強

葛根兩半 萎蕤三分 石膏兩一 白薇 羌活 麻黃 川

芎泡去皮尖 杏仁灸各半 甘草一分 青木香初春用半

黃大

右咬咀每服三錢水一盞煎至八分日三服

柴胡石膏散 治時行瘟疫病壯熱惡風頭痛體疼鼻塞



咽乾心胃煩滿寒熱往來痰實咳嗽涕唾稠黏	柴胡 <small>去苗</small> 石膏 前胡 <small>去苗</small> 乾葛 <small>剉</small> 赤芍藥 <small>各五兩</small> 升麻
二十兩黃芩 桑白皮 <small>剉</small>	右為麤末每服二錢水一盞入生薑三片豉十餘粒
同煎七分去滓稍熱服小兒分作三服更量大小加減不計時候	甘桂湯 治春間疫氣欲作先為氣壅畏風痰嗽頭昏
鼻塞困悶是其疾也當先以甘桂湯理之凡春氣動	欽定四庫全書
先以此湯驅之大人小兒皆可服	普濟方
甘草 <small>炙</small> 官桂 <small>去皮</small> 五味子 黃芩 <small>各一兩</small> 柴胡 <small>四兩</small>	右咬咀每服三錢水一盞薑五片煎七分去渣溫服
次二服渣再合煎一服	昔政和二年春澧陽疫疾大作服此藥皆免
防風散 解時疫溫病欬喘煩渴頭痛體疼目澁多睡	肌肉蠕動痰逆忪悸
防風 川芎 甘草 <small>炙</small> 香白芷 <small>各二兩</small> 菊花 <small>一兩</small>	



右為細末每服一錢煎荊芥湯調放溫服	除溫散 治三十六種夜熱晝涼溫病候	大黃 朴硝 <small>研各一分</small> 牽牛粉 <small>半兩</small> 檳榔 <small>二箇</small>	右為末每服半錢煎黃芩湯調下臨卧時服	香蘇散 治四時瘟疫傷寒	香附子 <small>炒去毛</small> 紫蘇葉 <small>各四兩</small> 青橘皮 <small>二兩不去皮</small> 甘草 <small>一兩</small>	右為麤末每服三錢水一盞煎七分去渣熱服不拘	欽定四庫全書 普濟方	時日三服解肌加乾葛煎若作細末只服二錢入塩點服	黑膏子 治小兒初春病入肌肉發斑癩疹如錦紋咳嗽	紅綿散 治傷寒及咳嗽 歌曰頭疼壯熱口難傳懶倦終朝只愛眠面赤更加小便赤良方有劑裏紅綿	麻黃 <small>半兩去節</small> 天麻 蝎 甘草 <small>炙</small> 人參 白朮 <small>各半兩</small>	右為末每服半錢水六分入葱白一寸紅綿裹煎四
------------------	------------------	--	-------------------	-------------	---	----------------------	---------------	------------------------	------------------------	---	--	----------------------



分服	治小兒大人傷寒一二日頭疼發熱增寒體痛	麻黃 <small>湯浸</small> 石膏 <small>各一兩</small> 蒼朮 <small>水浸</small> 桔梗 山茵陳	甘草 <small>炙各半兩</small>	右為末每服二錢葱茶調下小兒一錢或半錢	犀角散 治傷寒六七日大便不通熱甚者	犀角 <small>末</small> 大黃 <small>炮</small> 柴胡 <small>各一兩</small> 人參 <small>半兩</small> 朴硝 甘草 <small>各一分</small>	欽定四庫全書 普濟方	右為細末每服一錢水八分入生薑二片棗子一箇煎至五分去渣溫服量兒大小加減服之	藿香散 治小兒傷寒吐逆不定作熱常服調順陰陽和養脾胃止煩渴	藿香 <small>一分</small> 木香 <small>一分</small> 葛根 <small>一兩</small> 人參 <small>半兩</small> 蘆頭 <small>去</small> 丁香 <small>一分</small> 甘草 <small>半兩</small>	右為散每服一錢以水一盞煎至五分去渣量兒大小臨時分減溫服一方有麥門冬無葛根 <small>一名人參散</small>
----	--------------------	--	------------------------	--------------------	-------------------	---	---------------	--------------------------------------	------------------------------	---	---



鈎霜散 治小兒傷寒壅熱心狂譫語 鈎霜 馬牙硝 人參 <small>去蘆頭</small> 鬱金 <small>各一分</small> 甘草 <small>半分</small>
赤茯苓 <small>一分</small>
右為散每服半錢煎麥門冬湯溫調服量兒大小以 意加減服之
麥門冬湯 治小兒未滿百日傷寒鼻衄身熱嘔逆 麥門冬 <small>十八銖</small> 石膏 寒水石 甘草 <small>各半兩</small> 桂心 <small>八銖</small>
右咬咀以水二升半煮取一升每服一合三服量兒 大小加減服之
普濟方
欽定四庫全書
莽草浴湯 治小兒傷寒 莽草 <small>半斤</small> 牡蠣 <small>四兩</small> 雷丸 <small>三十丸</small> 大黃 <small>一兩</small> 蛇床子 <small>一升</small>
右件以水三斗煮取斗半適寒溫以浴兒避眼及陰
減桂建中湯 治傷寒自汗補虛和陰陽 <small>一名加減建中湯</small> 黃耆 <small>一兩</small> 白芍藥 <small>三兩</small> 甘草 <small>炙</small> 人參 熟地黄 <small>各半兩</small>
右咬咀每服二錢水半盞煎三分去渣服
黃連葛根湯 治太陽病桂枝證反下之利遂不止脉





促表未解喘而汗出者

黃連三分 葛根兩三 甘草半兩 黃芩三分

右為呔咀每服三錢水一盞煎至七分去渣量兒大小以意加減服之

桂枝人參湯 治太陽病表證未除而醫數下之協熱

而利利下不止心下痞硬仲景謂之表重不解

桂枝一分 人參一分 甘草一分 白朮一分 乾薑一分

右為呔咀以水煎去渣加減服日二夜一服

欽定四庫全書

普濟方

桂枝加芍藥湯 治太陽病反下利因腹痛是有表復

有裏腹痛甚者宜桂枝加大黃湯全嬰方云治太陽

中風陽浮而陰弱陽浮者熱自發陰弱者汗自出

嗇惡寒翕翕發熱鼻鳴乾嘔者一名桂枝湯

桂枝一分 芍藥一分 生薑一分 甘草一分

剉 微赤

右呔咀水煎加減服痛甚加大黃實痛者加一兩半

羸者減之全嬰方藥飲孩子每服三錢水一盞煎至



五苓散 治傷寒溫熱病常欲飲水水入便吐水停曾	右咬咀入薑棗同煎加減服之	兩	桂枝 三分 去皮芍藥 一兩 大黃 半兩 大實痛者減之 甘草 半兩	桂枝加大黃湯 治證同前	枝湯也仍有桂枝證服無桂枝證者尤不可再與	病人無汗小便數或手足冷不惡寒者忌不可用桂	微冷少頃溫身雖微熱自煩而又增寒始可用之若	欽定四庫全書	普濟方	病人常自汗出小便不數手足溫和如手足指稍作	枝最難用雖云表不解脈浮可發汗宜桂枝湯須是	分若病人素虛寒者正用古方不在加減也或曰桂	已後有桂枝證可加知母石膏各半兩或加升麻一	春末及夏以前桂枝證加黃芩一分謂之陽旦湯夏至	南北二方居人四時行之皆驗江淮間唯春冬可行	覆令一時許通身熱微似汗出者佳加減桂枝湯自	八分去渣大小加減服須臾啜熱粥一盞以取藥力
-----------------------	--------------	---	--	-------------	---------------------	----------------------	----------------------	--------	-----	----------------------	----------------------	----------------------	----------------------	-----------------------	----------------------	----------------------	----------------------



<p>滿不下否悶小便不得利欲出汗而昏燥及霍亂吐瀉太陽病發汗後大汗出胃中乾燥煩躁不得卧欲得飲水少少與之令胃和則愈若脉浮小便不利微熱消渴發汗脉浮數中風發熱身疼熱多飲水並宜服之</p>
<p>澤瀉 <small>一兩</small> 白朮 白茯苓 木猪苓 <small>去皮各三分</small> 桂心 <small>兩半</small></p>
<p>右為末一錢白湯調服欲飲水者新汲水調但服多</p>
<p>欽定四庫全書 普濟方</p>
<p>汗出立愈伏暑飲水多心腹脹悶吐瀉者服之立効 五苓散最治小兒吐逆亦治腫甚効有身熱多渴只喫湯者是內寒宜煎服之若渴小便赤澁加辰砂減桂用燈心麥門冬湯調冷服如身熱煎薑棗湯服之 猪苓湯 治傷寒瘟疫脉浮發熱渴欲飲小便不利屬陽明病少陰病下利六七日咳而嘔渴心煩不得眠 宜服</p>
<p>猪苓 茯苓 阿膠 滑石 澤瀉</p>



母服	七寶飲	時被蓋取汗出溫粉粉之	子一枚同煎至五分去渣溫服量兒大小加減不拘	右為龕散三歲兒每服一錢水一小盞生薑少許棗	葛根	麻黃	人參	肉桂	甘草	發渴	葛根散	右為末沸湯調下半錢或作飲子水煎亦可	分	麻黃	黃芩	赤芍藥	甘草	桂枝	熱者	行熱氣或生豆瘡不快煩躁昏憤或出瘡痘身疼體	麻黃黃芩湯	之	右等分呔咀白水煎去渣入膠再煎烱加減如意服
	治時氣傷寒頭痛壯熱肢體煩疼小兒同乳				治小兒傷寒四肢煩熱頭疼體痛心躁口乾	去根	各半	去龕	各一		治小兒傷寒四肢煩熱頭疼體痛心躁口乾	右為末沸湯調下半錢或作飲子水煎亦可		一兩	去節			去皮已		行熱氣或生豆瘡不快煩躁昏憤或出瘡痘身疼體	治小兒傷寒無汗頭痛發熱惡寒并天		右等分呔咀白水煎去渣入膠再煎烱加減如意服
						節	兩	皮	分														



蘇葉 <small>三兩</small> 香附 <small>炒三兩</small> 橘皮 <small>一兩</small> 桔梗 <small>一兩</small> 白芷 <small>一兩</small> 甘草 <small>一兩</small>	每用薑三錢煎如煩渴則以五苓散加山茵陳同煎	一方加川芎一兩呔咀每服二錢水半盞薑一片棗	子半枚煎至三分去滓溫服一名七寶散一方加麻	黃少許魏公用驗	桔梗散 治小兒傷寒頭熱足冷顙門張者亦治多躁	啼不睡小便赤少四肢熱者	桔梗 人參 <small>各去</small> 葛根 <small>剉各</small> 附子 <small>炮裂去</small> 甘草 <small>炙</small>	欽定四庫全書 普濟方	赤剉各一分	右擣羅為散每服二錢以水一小盞入生薑少許煎	至五分去滓不計時候溫服量兒大小以意增減	知母散 治小兒傷寒體熱煩躁	知母 甘草 <small>炙微</small> 竹茹 麻黃 <small>去根</small> 杏仁 <small>湯浸去</small>	仁 <small>銚炒微</small> 黃 <small>各一分</small>	右擣麤羅為散每服一錢以水一小盞入葱白二寸	香豉三七粒生薑少許煎至五分去渣不計時候溫
--	----------------------	----------------------	----------------------	---------	-----------------------	-------------	--	---------------	-------	----------------------	---------------------	---------------	---	---	----------------------	----------------------



服量兒大小以意加減	天麻散 治小兒傷寒	天麻 荆芥穗 甘草 <small>灸各半兩</small> 麻黃 <small>去節一兩</small> 全蝎 <small>一分</small>	右為末每服一錢水一小盞薄荷三葉同煎四分通	口服	紅龍散 治小兒驚風及四時傷寒渾身壯熱唇口焦	乾兩目翻露搐搦昏迷	龍齒 鈎白霜 <small>各二錢</small> 硃砂 <small>半錢</small> 龍腦 <small>少許</small> 天南星 <small>水浸七日</small>	欽定四庫全書 逐日換水薄切 晒乾為末五錢 普濟方	右為細末每服半錢蜜水調下食後服之	人參散 治傷寒	人參 甘草 <small>灸各一分</small> 麻黃 <small>半兩</small> 桔梗 <small>一兩</small> 茯苓 <small>半兩</small>	右為末每服一錢葱白薄荷湯調下	餓虎散 治傷寒後不思飲食	人參 <small>一錢</small> 肉豆蔻 <small>一箇</small> 殭蚕 <small>七箇</small> 良薑 甘草 <small>灸各二錢</small>	右為末每服一字本瓜湯下或粟米湯下
-----------	-----------	---	----------------------	----	-----------------------	-----------	---	-----------------------------------	------------------	---------	--	----------------	--------------	---	------------------



人參散 治小兒傷寒曾煩悶喘促	人參 半兩 去蘆 麻黃 半兩 去節 甘草 半兩 炙劉貝母 一分 煨杏仁 一分
一分湯浸去 皮麩炒微黃	
右為散每服一錢以水一小盞煎至五分去渣不計	
時候量兒大小加減溫服	
大黃散 治小兒傷寒壯熱心躁頭痛口乾小便大便	
赤難	
川大黃 半兩 炒 梔子仁 黃芩 赤芍藥 甘草 各	炙
欽定四庫全書	普濟方
分一	
右為散每服一錢以水一小盞煎至五分去渣量兒	
大小分減頻服以利為効	
牡蠣散 治小兒濕溫傷寒四肢或時壯熱或時厥冷	
汗多自出如珠子者生如油者死頭額熱疼面色赤	
黑聲多乾叫寸口脈浮洪大關尺脈沉實息數不勻	
此候宜服	
牡蠣 一兩 燒 附子 半兩 炮裂 麻黃 半兩 去根節 人參 半	兩



去蘆 頭 甘草 半兩炙 微赤剉	右為散每服一錢以水一小盞煎至五分去渣不計時候溫服量兒大小如意加減服之	不換金正氣散 治感冒傷寒惡心嘔吐發熱瀉痢停食腹痛及風濕頭目昏重時發壯熱	藿香 陳皮 各五錢 半夏 三錢 蒼朮 一兩米泔浸切炒黃色 白茯苓 五錢	右用粉草五錢同剉散每服一錢生薑三片紅棗一枚煎至食前溫服	欽定四庫全書 普濟方	芍藥解肌湯 治小兒傷寒煩熱頭體痛 一名四物解肌湯	芍藥 黃芩 升麻 葛根 各半兩	右以水三升煮取九合去渣分服暮歲以上分三服一方有麥門冬無葛根	麻黃杏仁湯 治傷寒飲水過度水停心下故喘又水入腎亦喘喘高者死讞語直視而喘者亦死發汗後不可用桂枝湯汗出而喘無大熱者宜用
--------------------------	------------------------------------	-------------------------------------	--	-----------------------------	---------------	--------------------------	-----------------	-------------------------------	---





麻黃 <small>一兩 去節</small> 杏仁 <small>一兩 尖 熬炒</small> 甘草 <small>半兩 炙</small> 石膏 <small>一兩</small>
右咬咀每服三錢水一盞煎至七分去渣加減服太
陽病下之微喘表未解桂枝湯加厚朴六錢杏仁五
十箇
防己湯 治傷寒喘促及多年喘急
防己 <small>一兩</small> 訶子 <small>炮用</small> 麻黃 <small>不去節</small> 杏仁 <small>去皮尖 熬炒</small> 各一兩
右為咬咀水煎臨熟入臘茶少許再沸去渣量兒大
小加減服之
欽定四庫全書
普濟方
大承氣湯 治陽明病不吐而煩者宜服陽明病脉遲
雖汗出不惡寒體重腹滿而喘有潮熱可攻其裏手
足澀澀汗出而大便已堅宜服之陽明病其人多汗
津液外出胃中乾燥大便必堅堅者必譟語宜服之
陽明病發作有時汗不散腹脹痛宜服陽明少陽
合病自利脉浮者順滑而數緣有宿食宜服之少陰
病口燥舌乾宜服之少陰病脉細沉數病在裏不可
發汗宜服之少陰腹滿不大便者宜服之



右等分 防風 連翹 山梔子仁 甘草	飲 連翹	防風散 治小兒傷寒及諸熱兼治瘡痘入目生翳 <small>一名</small>	右 大黃 川芎 甘草 荆芥 <small>各等分</small>	四 皓飲 治小兒傷寒頭疼發熱心躁	右 等分 為末 荆芥 茶調 下加 減服 之	欽定四庫全書 普濟方	茵陳 麻黃 <small>去節</small> 大黃 <small>煨</small> 石膏	俱救	六腑不通榮衛不調如是者三日死 治法當表裏	雙解散 治傷寒頭痛口乾煩滿腹脹身熱不食譫語 耳聾囊縮而厥水漿不入不知人者難治五臟已傷	右為飲子白水煎臨熟入芒硝再沸去渣加減服一方作枳殼加薑煎	大黃 <small>半兩微剉炒</small> 厚朴 <small>一兩製</small> 枳實 <small>一兩麩炒</small> 芒硝 <small>半兩</small>
-------------------------------	---------	--	---	------------------------	--	---------------	---	----	-------------------------	--	-----------------------------	--



升麻湯 治小兒中風頭疼增寒壯熱肢體疼痛鼻乾
不得睡兼治瘡痘已發未發皆可服兼寒暄不時人
多疫病乍暖脫着及暴熱之次忽變陰寒身體疼痛
頭重如石加黃芩名曰升麻黃芩湯治傷風頭痛發
熱惡寒自汗時行瘡痘出不快加大青等分治身熱
風疹天行熱疾 <small>方見本門傷寒類一名解肌湯</small>
時雨散 治小兒春冬傷寒發極効冬春及夏初行之
亦効
欽定四庫全書 <small>普濟方</small>
蒼朮 <small>兩四</small> 甘草 麻黃 <small>去節各二兩</small> 猪牙皂莢 <small>四挺</small>
右咬咀水煎去渣被蓋汗出立効但是時行寒疫皆
宜服如時氣腦熱頭疼不止朴硝水調塗頂上
犀角地黄湯 治小兒傷寒及痘病應發汗而不解內
有瘀血者及鼻衄吐血不盡內餘瘀血大便黑者此
方消化瘀血兼治瘡疹出得太盛
代 赤芍藥 <small>三分</small> 生薑 地黄 <small>二兩</small> 牡丹皮 <small>一兩</small> 犀角 <small>一兩如無升麻</small>



右為末二百日兒乳汁和服大豆大四丸抱出汗	麻黃 <small>四兩</small> 杏仁 <small>炒</small> 桂心 <small>各一兩</small> 大黃 <small>十二銖</small>	解肌發汗散 治少小傷寒熱	片棗半箇同煎至半盞去綿薑棗冷服	右為末每服一錢紅綿一片摻藥於綿上入生薑一	麻黃 <small>半兩</small> 乾蝎 <small>七箇</small> 天麻 甘草 <small>各一分</small> 並焙乾	紅綿散 治小兒傷寒壯熱解表及疹痘蒸熱	煎至五分去滓服不拘時	欽定四庫全書 普濟方	右為龕末每服一錢薑一片棗子半箇用水一中盞	柴胡 黃芩 甘草 赤芍藥 <small>等分</small>	黃龍湯 治小兒傷寒身熱不退者	右呶咀白水煎加減服	大青 <small>四兩</small> 阿膠 <small>炒一兩</small> 甘草 <small>炒二兩</small> 豉 <small>四兩</small>	後熱不除身上斑出	大青四物湯 治小兒傷寒熱病十日以上發汗吐下	右呶咀三歲一錢水半盞煎至三分去滓加減服
---------------------	--	--------------	-----------------	----------------------	--	--------------------	------------	------------	----------------------	--------------------------------	----------------	-----------	--	----------	-----------------------	---------------------



金花散 治小兒傷寒	欽定四庫全書	普濟方
鬱金 <small>半兩</small> 末 馬牙硝 <small>一兩</small> 半 膩粉 硃砂 <small>各半</small> 錢	烏頭 天南星 <small>各一枚</small> 大者燒通赤入小瓶內濕紙密口令火滅取刮之中心存白	煎湯下昔潤州傅醫專賣此藥小兒傷寒發熱與二
右末每服一字用麥門冬熟水調	處如皂莢子大為度須燒數枚擇中度者可用 玄參 <small>各末</small> 五錢	右蜜和葱白湯下豆許頻服筋癢急和乳香同葱白
小黑膏 治小兒傷寒風癩	三丸令小睡及醒已涼矣有小兒者當如其方而合之	解交散 治小兒傷寒
	茵陳 升麻 茯苓 甘草 <small>各二錢</small>	右為末每服半錢一字葱白湯下
	浮萍散 治傷寒壯熱先宜出汗	浮萍 麻黃 川芎 天麻 <small>各二錢</small>
	右為末每服二錢薄荷酒調下覆令出汗	



麻黃湯 治傷寒頭疼發熱身痛惡風無汗喘滿又治  
太陽病脉浮緊無汗發熱身疼痛八九日不解表證  
仍在此當發其汗服藥已微除其人發煩目瞑劇者  
必衄衄乃解所以然者陽氣重故也

麻黃 一兩半  
去節 桂枝 一兩  
甘草 半兩

右咬咀每服三錢水一盞煎至八分去渣大小加減  
服覆令出汗不須喫粥加減法夏至後須加知母半  
兩石膏一兩黃芩一分蓋麻黃湯性熱夏月服之有

欽定四庫全書

普濟方

發黃斑出血之失凡傷寒熱病藥性須涼不可太溫  
唯冬及春并病人素虛寒者乃用正方不須加減  
小承氣湯 治太陽病吐下後發汗而復煩小便數大  
便堅宜服陽明若出汗多而微寒為表未解無潮熱  
不可與之若腹滿不大便可稍稍與之

大黃 一兩  
微炒 厚朴 半兩  
枳實 一箇大者炙

右咬咀同煎陽明病潮熱大便微硬可與大承氣湯  
不硬者不可與之若不大便六七日恐有燥屎驗之



法少與小承氣湯湯入腹中轉失氣者此有燥屎也  
乃可攻之若不轉失氣者必初便即澹不可攻之攻  
之必腹滿不能食也欲飲水者與水則噦其後發熱  
者必便硬而少也以小承氣湯和之不轉失氣者忌  
不可用也失實則譫言失虛則聲微難重語也直視  
譫言喘滿者死不利者亦死發汗多若重發汗者亡  
陽譫言脉短者死脉和者生傷寒若吐下後不解本  
不大便五六日已上至十餘日日晡時發熱發潮不

欽定四庫全書

普濟方

惡寒獨語如見鬼狀若劇者發則不能識人循衣摸  
床惕而不安微喘直視脉弦者生滿者死微者但發  
熱譫言者大承氣湯主之陽明病多汗以津液外出  
胃中乾燥大便必硬硬則譫語小承氣湯主之若一  
服利者止後服

調胃承氣湯 治傷寒發熱後若寒虛而不惡寒但熱  
者實也當下傷寒十三日後經譫語者當下之若自  
利者脉當微厥反和者此為內實也當下之太陽病



經十餘日心下溫溫欲吐而胃中實大便澹腹微滿  
鬱鬱微煩當下之太陽病三日發汗不解蒸蒸熱者  
當下之

大黃一兩芒硝九分甘草半兩

右㕮咀大黃甘草二味以水一盞煮至七分去滓下  
芒硝更上火煮二三沸頓服之

梔子仁湯 治陽明病脈浮咽乾口苦腹滿汗出而喘  
不惡寒反惡熱心躁譫語不得眠胃虛客熱舌燥宜

欽定四庫全書

普濟方

服陽明病下之其外有熱手足溫者心中煩壅飢不  
能食頭有汗宜服傷寒六日吐後發汗虛煩不得眠  
劇者心神顛倒宜服傷寒六七日大下之後身熱不  
去心中結痛此為欲解宜服

梔子仁各甘草各加香豉一兩  
名梔子  
豉湯

右為末每服三錢水一盞豆豉五十粒煎七分去渣  
溫服

白虎湯 治傷寒脈滑而微厥表裏有熱三陽合病腹





欽定四庫全書

普濟方

滿身重難以轉側口中不潤卧後譊語遺尿發汗則  
譊語下之則額下出汗手足逆冷自汗出並宜服之  
服桂枝湯後有大汗出煩渴不解脉洪大傷寒嘔吐  
若下後七八日不解結熱在裏俱熱時時惡寒大渴  
舌上乾燥而煩欲飲水數升傷寒証無若口乾燥渴  
心煩背微惡寒渴飲水無表裏證者並宜白虎湯加  
人參湯脉浮發熱無汗不可服諸亡血不可服活人  
書曰脉厥而滑裏有熱白虎加人參黃濟云傷寒及  
温熱病脉大洪增寒壯熱煩渴欲飲水及夏月傷暑  
發熱惡寒身體疼重大渴不止躁煩汗出脉細小手  
足微冷并時疾未經轉瀉胃熱發斑兼痘疱疥疹天  
行後餘熱不解但是一切伏熱並可服董氏云小兒  
瘡痘其證未全或未明者與白虎湯如秋冬入春寒  
未用白虎湯之時但加棗葉煎不必拘常法

知母 一兩半 甘草 兩半 粳米 一合半  
方用八錢

右咬咀白水煎加減服加人參半兩名白虎加人參



湯又方加石膏四兩亦作四錢一方棗一枚同煎每服一錢水一小半盞煎三分去粗服之

三和湯 治小兒傷寒鼻塞聲重痰嗽體熱煩躁

麻黃 三兩 去節 杏仁 二兩 去皮尖 甘草 一兩 炙

右為末每服三錢水半盞煎三分熱服進三服葱粥投之衣被蓋汗出立瘥

團參湯 治小兒傷寒發汗吐下後毒氣不散表虛裏

實熱發於外故身斑斑如綿紋甚則躁讖語兼治喉

欽定四庫全書

普濟方

閉腫痛

團參 升麻 甘草

右等分呔咀白水煎加減服

茯苓湯 治小兒傷寒嘔吐喘龕肌熱煩躁傷渴

白茯苓 一兩 烏梅肉 半兩 微炒 乾木瓜 一兩

右擣篩為麤末每服一錢以水一小盞又入生薑一

大片煎至五分去渣溫服不計時候量兒大小加減

治小兒傷寒



欽定四庫全書	普濟方	右為末同研三百下令陰乾再擣為末生薑汁調灌立見神驗量多少灌	黑散方 治小兒傷寒退熱 <small>方見初生門變蒸類</small>	治小兒傷寒壯熱頭痛口乾心煩	生薑 <small>汁少許</small> 竹瀝 <small>一合</small> 蜜 <small>半合</small>	右相和令勻二三歲兒分為三服	發汗散 治少小傷寒發熱解肌	芍藥 黃芩 葛根 <small>各二分</small>
梔子仁 <small>一枚棗燒炭牙硝少許</small>	右以古字錢兩文燒令赤水淬七度將此水調三味灌之立愈	走馬散 治小兒三歲以下忽患傷寒陰陽二毒此因母之毒氣所致庸醫多不會自見壯熱不食多睡便以冷物與喫即兒轉不安加甚蓋藥熱動風藥寒嘔逆宜服此	大黃末 <small>一兩米醋煮冷如麩用</small> 乾地龍 <small>一枚末入</small> 牙硝 <small>一分</small>					



右切以水三升煮一升為四服一歲兒為三服

金花散 治小兒傷寒

肥皂角子

一百箇銼內炭灰炒裂取黃子

訶子皮

五箇

甘草

二寸清油煎黃

右為末每服半錢溫水調下治五歲以下

四十八候三黃散 治正受傷寒

麻黃

不去節

大黃

蒸各一分

黃芩

半分

右為細末每服半錢葱湯下日進二服

治胸悶但嘔者此名溫毒也宜服之

欽定四庫全書

普濟方

生薑

地黃

半斤好豉

一百粒

右以猪膏二斤合研絞汁用麝香雄黃和服毒便從

皮膚中出遂愈忌蕪荑

熱病

附論

夫小兒熱病者是冬時嚴寒人有觸寒氣入於肌肉當時即不發至春得暖而發則頭痛壯熱謂之心熱疾又冬時應寒而反暖其氣傷人即發亦使人頭痛壯熱謂之冬溫凡邪之傷人皆由觸冒風寒入之小兒雖不能



亂	犀角散 治小兒熱病煩熱不解大小腸秘澁心胃悶	時候量兒大小分減溫服	右為散每服一錢以水一小盞煎至五分去滓不計	門冬 <small>去心</small> 黃芩 <small>各三分</small> 茵陳 梔子仁 <small>各半兩</small>	吳藍 大青 蘆根 <small>剉</small> 石膏 <small>細研各一兩</small> 甘草 <small>炙微赤</small> 麥	吳藍散 治小兒熱疾頭痛心躁眼黃	時候量兒大小分減服之	欽定四庫全書	普濟方	右為散每服一錢以水一小盞煎至五分去滓不計	膽 <small>去蘆頭</small> 各一分	梔子仁 知母 葳蕤 川升麻 葛根 <small>剉</small> 龍	石膏 <small>細研</small> 川大黃 <small>剉碎</small> 甘草 <small>炙微赤</small> 大青 黃芩	石膏散 治小兒熱病煩熱驚悸	死	帝曰傷寒熱病死候有九四曰老人嬰兒熱病腹滿者	觸胃其乳母抱持脫衣不避風邪冷熱氣所感病也黃
---	-----------------------	------------	----------------------	--	---	-----------------	------------	--------	-----	----------------------	--------------------------	-------------------------------------	--	---------------	---	-----------------------	-----------------------



犀角屑 赤芍藥 黃芩 川升麻 梔子仁 地骨皮 甘草 <small>炙微赤剉</small> 麥門冬 <small>去心</small> 川大黃 <small>剉微炒各</small>	分三	右為散每服一錢以水一小盞煎至五分去滓不計時候量兒大小分減溫服	真珠散 治小兒熱病心神狂躁身熱如火頭痛煩渴眠卧不安	真珠末 馬牙硝 寒水石 太陰元精 <small>各一分</small> 龍齒 鈎霜 朱砂 <small>各半兩</small> 牛黃 麝香 <small>各半兩</small>	右研令細不計時候以新汲水調下半錢量兒大小加減服	真珠散 治小兒熱病口乾心神煩躁	真珠 <small>末</small> 牛黃 龍腦 <small>各一錢</small> 瓜萋 <small>用根</small> 茯神 硃砂 <small>各半兩</small> 馬牙硝 寒水石 <small>並為細末</small>	右相拌勻每服半錢蜜水調下量兒大小加減	解肌散 治小兒熱病口乾身體壯熱心神煩躁宜服
--	----	--------------------------------	---------------------------	--	-------------------------	-----------------	--	--------------------	-----------------------



<p>之<small>一名解肌湯</small></p>	<p>麻黃<small>三分去節根</small> 葛根<small>剉</small> 赤芍藥 黃芩 川升麻</p>	<p>甘草<small>炙微赤剉各半兩</small></p>	<p>右為散每服一錢以水一小盞入葱白五寸煎至五分去滓不計時候量兒大小分減溫服令有汗出即瘥一方白水煎</p>	<p>茵陳散 治小兒熱病心煩壯熱口乾多渴宜服</p>	<p>茵陳 麻黃<small>去根節</small> 赤芍藥 甘草<small>炙微赤剉</small> 黃芩</p>	<p>欽定四庫全書                  普濟方</p>	<p>葛根<small>剉各半兩</small></p>	<p>右為散每服一錢以水一小盞煎至五分去渣不計時候量兒大小增減溫服汗出為効</p>	<p>牛黃散 治小兒熱病壯熱心悶</p>	<p>牛黃<small>半</small> 硃砂<small>各細研</small> 茯神 菴蘇根<small>剉</small> 苦參<small>剉</small> 甘草<small>炙微赤剉各一分</small></p>	<p>右細羅散入研藥同研勻不計時候以新汲水調下半錢量兒大小以意增減</p>
------------------------------	---	---------------------------------	---	----------------------------	---	--	------------------------------	---	----------------------	---	---------------------------------------



子芩散 治小兒熱病皮膚壯熱	分去渣溫服	右為細末每服一錢水八分一盞荊芥少許煎至五分去渣溫服	甘草 <small>炙各半兩</small>	地骨皮 <small>洗焙乾</small> 川大黃 <small>微炮</small> 黃芩 <small>各一兩</small> 麥門冬 <small>去心</small> 黃耆	地骨皮散 治證同前	渣放溫服	右為細末每服一錢水一盞入竹葉三片煎至五分去渣放溫服	欽定四庫全書 普濟方	犀角 <small>去蘆頭</small> 甘草 <small>炙各半兩</small>	犀角 <small>屑</small> 川大黃 <small>炮細剉</small> 川升麻 <small>各一兩</small> 赤芍藥 人參	犀角飲子 治小兒熱病口乾心神煩躁	煎至五分去渣溫服	右為細末每服一錢水一小盞入竹葉薄荷各少許	藥 <small>各半兩</small>	石膏 白茯苓 乾葛根 <small>各一兩</small> 甘草 <small>炙</small> 黃芩 芍	石膏散 治熱病
---------------	-------	---------------------------	------------------------	---	-----------	------	---------------------------	---------------	--	--	------------------	----------	----------------------	----------------------	--	---------





子芩	川升麻	梔子仁	大青	甘草	<small>炙微赤 對各一</small>
分					
右細羅為散不計時候以新汲水調下半錢量兒大					
小以意加減服之					
胡黃連散 治小兒熱病壯熱心悶					
胡黃連	梔子仁	牛黃	甘草	子芩	
		<small>細研</small>	<small>炙微赤 對</small>		
兩	一		各半兩		
右細羅為散研入黃芩牛黃令勻不計時候以蜜水					
欽定四庫全書					
普濟方					
調下半錢量兒大小加減服之					
地黃散 治小兒熱病					
生乾地黃	棗葉	梔子仁	黃芩	陳橘皮	
<small>一兩</small>	<small>一握</small>				
<small>湯浸去白 各半兩</small>					
右為細末每服一錢水八分一盞入葱白鹽豉各少					
許煎至五分去渣溫服					
生地黃湯 治小兒熱病煩渴頭痛壯熱不止 用生					
地黃汁三合濾淨入生蜜半合和勻時時與一合服					



量兒大小加減服

治小兒熱病煩渴 取瓜萋根末不計時候以乳汁調  
半錢量兒大小加減服之

治小兒熱病腹脹大腸不通 用牽牛子半兩微炒搗  
細羅為散每服以橘皮湯調下半錢稍利為効量兒  
大小以意加減服之

發黃 附論

夫發黃皆由寒濕之氣蘊結在於脾胃蒸發而成也陽

欽定四庫全書

普濟方

明病無汗小便不利心中熱壅必發黃凡發黃寸口無  
脉鼻氣冷並不可治巢氏云凡發黃而不利心腹滿者  
必死診其脉沉細者亦死又有百日半歲小兒非傷寒  
濕病而有微黃者亦是脾胃熱忌不可灸也灸之則熱  
甚此是將息過度所為衣當薄數與除熱粉散粉之自  
愈不得妄與湯藥及灸 小兒瘵熱在胃或濕熱相搏  
熏肌散肉其證目黃身或疼痛肌肉如橘色或得之傷  
寒或得之時氣或得之風濕皆脾胃氣虛邪熱與穀氣



相搏所致也利其小便則愈

方

升麻湯 治小兒發黃

升麻 黃芩去黑心 山茵陳 柴胡去苗 瓜蒂 知母

藍葉各一兩 山梔子仁一分 大黃炒劉 石膏持碎各

甘草炙 芍藥各半 羚羊角分三

右麤擣篩三四歲兒每服一錢水七分煎至四分去

渣溫服早晨午後近夜各一服量兒大小加減

欽定四庫全書

普濟方

連翹赤小豆湯 治小兒傷寒發黃身熱

麻黃節去 連翹 甘草炙 生薑 赤小豆各二兩 杏仁

四十 生桑白皮劉二兩 大北棗一十

右咬咀白水煎又一方生小麥苗擣汁服之立効

桑白皮湯 治小兒發黃

桑根白皮劉 麻黃去根節湯 秦艽去苗土 大黃劉

兩半

右麤擣篩每一錢水七分牛乳一合同煎至五分去



渣分溫食前日三服量兒大小加減

茵陳湯 治小兒陽明病發熱汗出者此為熱越不能發黃也但頭汗出身無汗齊頭頸而還小便不利渴欲飲水者此為瘵熱在裏必發黃傷寒七八日身黃如橘色小便不利腹滿者並皆主之

山茵陳 梔子仁 川大黃

右等分呔咀水煎加減服日進三服小兒小便當利下尿如皂莢汁狀色正赤一宿腹減黃隨小便中去

欽定四庫全書

普濟方

也

梔子蘖皮湯 治小兒傷寒身黃發熱

梔子仁 十五箇 甘草 一兩 黃蘖 二兩

右呔咀白水煎加減服

三黃湯 治小兒天行發黃心腹脹急

大黃 剉炒 黃芩 去黑心各 山梔子仁 三分

右麤擣篩三四歲兒每服一錢水七分煎至四分去

渣溫服取利為度



瓜蒂散 治小兒傷寒發黃 <small>方見本門</small>
栝蒌根飲 治小兒忽發黃面目皮肉並黃 用生栝蒌根搗取汁二大合入蜜一大匙和令勻火煖分為三服
治小兒傷寒發黃方 用土瓜根搗汁三合服之 又方用韭菜根搗汁澄清取如大豆許瀝兒鼻中即出
黃水病瘡 又方用青麥搗汁服之
治小兒四歲發黃 <small>草本</small> 生搗黃瓜絞汁三合與飲不過三次愈
茵陳湯 治小兒發黃等病身如橘色
山茵陳 山梔子 <small>各一兩</small> 川大黃 芒硝 木通
寒水石 <small>各半兩</small>
右咬咀每服一錢水八分煎至五分去渣溫服
傷暑 <small>附論</small>
凡大人小兒中暑悶倒急扶在陰涼處切忌與冷水得冷即與暑相擊而死用帕子或以布巾蘸熱湯熨臍腹



間暖即瘥頻用熱湯或懷抱小兒道塗中無覓湯處即  
掬熱土於臍上仍撥開小窩子尿於中當日處稍熱可  
代湯熨之良久嚼大薑一塊以水嚥下續用解暑藥黃  
龍丸五苓散白虎湯隨證用之

方

枇杷葉散 治胃暑伏熱引飲過度脾胃傷冷飲食不  
化胃膈痞悶嘔噦惡心頭目昏眩口乾煩熱肢體困  
倦不思乳食或陰陽不和致成霍亂吐瀉

欽定四庫全書

普濟方

枇杷葉 去毛 陳橘皮 去白 丁香 各半 香薷 三分 厚

朴 四兩 麥門冬 去心 乾木瓜 白茅根 甘草 炙

一兩

右咬咀每服二錢水一小盞生薑二片煎至七分去  
渣溫服或作細末煩燥引飲用新汲井水調下不計  
時候三歲已下分作三服一方加百藥煎

清膈飲子 治小兒伏暑嘔吐

香薷 淡竹葉 去枝節 白茯苓 人參 去蘆 半夏 麩



檀香 <small>各半</small> 甘草 <small>炙半</small> 白粳米 <small>一合</small>	右咬咀每服一錢水半盞生薑一片煎至一半去渣 溫服量兒大小加減與之	香薷丸 治大人小兒傷寒傷暑伏熱躁渴煩悶頭目 昏眩胃膈煩滿嘔噦惡心口乾舌苦及肢體困倦不 思飲食或發霍亂吐利轉筋並宜服	香薷 <small>去土</small> 白茯苓 <small>去木</small> 乾木瓜 <small>並用</small> 紫蘇莖葉 <small>去蘆</small>	根各 一兩 丁香 藿香葉 <small>去土</small> 甘草 <small>炙</small> 檀香 <small>剉各</small>	欽定四庫全書 普濟方	右為細末煉蜜和丸每兩作三十丸每服一丸至二 丸細嚼溫湯下或新汲水化下亦得小兒服半丸不 計時候	家傳異功丸 治消暑生津治渴	澤瀉 <small>一兩</small> 猪苓 <small>湯浸去</small> 官桂 <small>半兩</small> 茯苓 <small>三分</small> 白朮 <small>半兩</small>	人參 <small>半兩</small> 辰砂 <small>半兩</small> 別研	右為末煉蜜丸如芡實大或夏月出門隨時含化免 喫水妙若小兒夏月心熱煩渴引飲煎燈草竹葉湯
---	------------------------------------	---	--	--	---------------	---	---------------	---	--	--



化遇渴投之止

治小兒中熱面赤身如火熱或眼赤

當歸<sub>二錢</sub> 馬牙硝 欝金<sub>三枚用皂角水</sub> 甘草<sub>一分</sub>

右為末細研一字或半錢冷水調下

治小兒中暑吐利 用白蒺藜苗研汁服

治中暑悶絕宜急扛在陰處切忌不可飲冷水可急取

大蒜及路中日晒熱土同研新水調去渣灌服

香薷散 治身熱惡寒頭痛或往來寒熱如瘧煩躁渴

欽定四庫全書

普濟方

甚嘔吐背寒面垢洩瀉昏悶脉伏 用香薷散每服

二錢水一盞茵陳車前加數莖煎熱服嘔吐加香薷

加藿香木瓜洩瀉加烏梅陳米熱瀉加黃連每服並

各加少許 一方用燈心車前子同煎吐瀉加茵陳

生薑汁調服其效如神

又方 用五苓散平胃散合和紫蘇葉烏梅煎湯下

五苓散 治胃暑伏熱吐瀉煩渴陰陽未和分表裏未

解傷風受濕並宜服之





猪苓 澤瀉 白朮 赤茯苓 紫桂 大木通
山茵陳 天花粉 瞿麥
右為散用燈心車前子同煎如熱甚加小柴胡湯去
桂各等分煎喫
消暑丸 治中暑煩悶嘔吐多痰
大半夏 <small>四兩</small> 白茯苓 <small>二兩</small> 甘草 <small>一兩</small>
右為末薑汁煮糊為丸每服三十九丸空心溫水下
欽定四庫全書
普濟方
普濟方卷三百六十九

